

Dogri (NSD)

16-06-2026

खबरां

1. प्रधानमंत्री नरेंद्र मोदी होर अज्ज संझा फ्रांस दे एवियन च जी-7 शिखर सम्मेलन च हिस्सा लैंगन।
2. प्रधानमंत्री मोदी होरें ब्रातिस्लावा च वाराणसी प्रदर्शनी दी बड़ेयाई कीती ते रिश्ते गी मजबूत करने च कला ते संस्कृति दी भूमिका पर जोर दितां
3. सरकार नै नीट-यू.जी दे परतियै म्तेयान थमां पैहले इस म्हीने दी 22 तरीक तगर मैसेजिंग ऐप टेलीग्राम पर पाबंदी लाई। मैसेज एडीटिंग फीचर 30 जून तगर बंद रौह्ग।
4. सरकार नै यू.पी.एस.सी सी.एस.ई-2026 दे शुरूआत सोआल पर्चे दे लीक दे फर्जी दावें दा खंडन कीता।
5. सेहत मंत्रालय नै आखेआ जे लौह्के ग्राएं-पिंडें च खंगू दे सिरप दी बिक्री दी इजाजत सिर्फ लाइसेंस धारक दवाइयें दी हट्टी दे राएं गै ऐ।
6. भारत नै न्यूजीलैंड दे आकलैंड च जपान गी 2-1 कन्नै हराइयै ते महिलाएं दे एफआईएच नेशनल कप दे सेमीफाइनल च जबरदस्त प्रदर्शन कीता।

<><><><><><>

PM-G 7 Visit

प्रधानमंत्री नरेंद्र मोदी होर कल शुरू होए दे जी-7 शिखर सम्मेलन च हिस्सा लैने लेई अज्ज दो दिनें दे दौरे पर फ्रांस दे शहर इवियन पुज्जे। इस थमां पैहले प्रधानमंत्री होरें इवियन जाने आहले बत्ता च स्विट्जरलैंड दे जिनेवा च उतरे हे। ब्हाई अड्डे पर उंदा सोआगत स्विस राष्ट्रपति गाय परमेलिन होरें कीता। दौनें लीडरें आपूं'चै इक-दुए गी हार्दिक शुभकानमां दित्तियां ते भारत स्विट्जरलैंड दी सांझेदारी गी अगड़ा मजबूत करने दे धेइयै गी दोहराया। गल्लबात दे मगरा प्रधानमंत्री मोदी होर जिनेवा थमां कोई 45 किलोमीटर दूर स्थित एवियन चली गे। जी-7 शिखर सम्मेलन च पीएम मोदी हुंदी एहू लगातार 7 मौजूदगी ही ते भारत दी मंच च 13मीं बारी शमूलियत ऐ। शिखर सम्मेलन च भारत दी लगातार मौजूदगी बड्डी वैश्विक चुनौतिएं कन्नै निब्बड़ने ते शांति, सुरक्षा, सुरक्षा, स्थाई, विकास ते आर्थिक

विकास गी बढ़ावा देने दे मकसद कन्नै अंतरराष्ट्री जतनें च योगदान देने च उंदी भूमिका दर्शादी ऐ।

<><><><><><>

PM Art and Culture

प्रधानमंत्री नरेंद्र मोदी होरें आखेआ ऐ कि कला ते संस्कृति च लोकें गी इक-दुए दे नेड़े आहनने दी ताकत ऐ। एहू उल्लै होआ जिसलै प्रधानमंत्री ते स्लोवाक च राष्ट्रपति पीटर पेलेग्रीन होरें कल स्लोवाकिया दे ब्रातिस्लावा च राष्ट्रपति महल च वाराणसी पर केंद्रित इक प्रदर्शनी दिक्खी जेदे च स्लोवाकिया कलाकारें दे कम्म बी शामिल ना। इसी बनारस दा इक जुड़ाव ब्रातिस्लावा कन्नै दस्सदे होई प्रधानमंत्री मोदी होरें स्लोवाक कलाकारें पासेआ वाराणसी दे रचनात्मक व्याख्या दी तरफी कीती। विदेश मंत्रालय नै आखेआ जे एहू प्रदर्शनी वाराणसी शहर शीर्ष गी समर्पित ही ते एहूदे च कलाकृतिएं गी दस्सेआ गेदा हा जेड़े भारत दे सब्भनें थमां पराने शैहरें चा इक दे आध्यात्मिक संस्कृति ते रोजमर्रा दी जिंदगी गी खूबसूरती कन्नै दर्शादी ही।

<><><><><><>

PM-Infrastructure Upgrade

प्रधानमंत्री नरेंद्र मोदी होरें अज्ज आखेआ जे पिछले दाहके च समूलचे मुख्य भरै च बुनियादी ढांचे दा दर्जा बदेआ ऐ। अपने सोशल मीडिया अकाउंट माईगाव पर इक पोस्ट सांझा करदे होई मोदी होरें आखेआ जे सरकार देसा दे लोकें लेई अगले पीढ़ी दे बुनियादी ढांचे बनाने लेई बचने बधदी दी ऐ तां जे विकसित भारत दा दृष्टिकोण पूरा होई सकै। माईगाव पोस्ट च पिछले 12 बरें च ढांचागत विकास च तब्दीली गी उजागर कीता गेदा हा।

<><><><><><>

UNSC Reforms

संयुक्त राष्ट्र सुरक्षा परिषद च सुधारें पर भारत नै साफ कीता ऐ कि जेकर विस्तार छड़ा अस्थाई श्रेणी तगर गै सीमित रौहंदा ऐ तां एहू सुधार नाकामी दी दुआठन तगर पुज्जी जाहंगन। संयुक्त राष्ट्र च भारत दे स्थाई प्रतिनिधि दूत हरीष पर्वतनैनी होरें अंतर सरकारीय विचार बैठक गी संबोधित करदे होई एहू गल्ल आक्खी। भारत दा मनना ऐ कि छड़ा अस्थाई सीटें गी बधाने कन्नै मजूदा स्थाई पंज मुखें जिंदे च अमरीका, ब्रिटेन, फ्रांस, रूस ते चीन शामिल न, आसेआ फैसले लैने दे मूल ढांचे च कोई बदलाव नेई औगा। भारत असल ते सार्थक सुधार लेई स्थाई ते अस्थाई दौनें श्रेणिएं च विस्तार दी पुरजोर वकालत करदा ऐ।

NEET Online

21 जून गी होने आहले राश्ट्री पात्रता सह प्रवेश स्तेहान (नीट) यूजी 2026 दी परतियै जांच थमां पैहले इलेक्ट्रानिक्स ते सूचना प्रौद्योगिक मंत्रालय नै इस म्हीने दी 22 तरीक तगर आनलाइन मैसेजिंग ते सोशल मीडिया ऐप टेलीग्राम पर रोक लाई ऐ। राश्ट्री परीक्षण एजेंसी नै इलेक्ट्रानिक्स ते सूचना प्रौद्योगिकी मंत्रालय दे निर्देशें दा सोआगत कीता ऐ ते भारत च टेलीग्राम दी पुज्ज गी परिभाशित ते सीमित अवधि लेई सीमित कीता जा। एनटीए नै इक बयान च आखेआ ऐ जे इस पाबंदी च नीट दे पतियै स्तेहान दे दिन ते एहदे फौरन बाद दे नतीजे शामिल होंगन।

<><><><><><>

PIB-Fact Check

सरकार नै सोशल मीडिया पर चलदे इक संदेश दा खंडन कीता ऐ जेदे च दावा बन्नेआ गेदा ऐ जे ई-20 तेल दे इस्तेमाल कन्नै गड्डिएं दे बीमा दा दावा खारिज करी दित्ता जाई सकदा ऐ। प्रेस सूचना ब्यूरो दी तथ्य जांच इकाई नै दस्सेआ ऐ जे एहू दावा फर्जी ऐ। पी.आई.बी दे मताबक ई-20 दे इस्तेमाल कन्नै मोटर बीमा पालिसी मान्य रौहंदी ऐ।

<><><><><><>

Govt. Debunk SCE Leak

सरकार नै UPSC सीविल सेवाएं स्तेयान 2026 दे सोआलै दे पर्चे दे लीक होने दे दावे करने आह्लिएं आनलाइन सोशल मीडिया पोस्टें दा खंडन कीता ऐ। प्रेस सूचना ब्यूरोदी तथ्य जांच इकाई नै आखेआ ऐ जे एहू दावा फर्जी ऐ। इकाई नै इब्बी आखेआ जे यू.पी.एस.सी दे स्तेयान दे सोआल पर्चा मुखें दे बक्ख-बक्ख हिस्सें थमां चुने गेदे सरबंघत विशें दे माहिरें आसेआ तैयार कीते जंदे न। पीआईबी नै लोकें गी अपील कीती ऐ जे ओहू इस चाल्ली दी जानकारी गी सिर्फ सरकारी स्रोतें थमां गै पुष्टि करन ते उनेंगी इस चाल्ली दे भ्रामक ते गैर पुष्टि दावें गी सांझा करने थमां परहेज करने लेई आखेआ ऐ।

<><><><><><>

Lok Sabha Speaker

लोकसभा दे स्पीकर ओम बिरला होरें लोकतंत्र च मते थमां मती जनभागीदारी दी अहमियत पर जोर दित्ता ऐ। दिल्ली च विकसित भारत युवा संसद-2026 दे प्रतिभागिएं कन्नै रूबरू होंदे होई बिरला होरें आखेआ जे दुनिया दी सब्बनें थमां बड्डी आबादी, बक्ख-बक्ख संस्कृति ते बक्ख-बक्ख भुगौलिक हालात होने दे बावजूद मुल्ख आजादी दे मगरा दुनिया दा सब्बनें शा बड्ठा लोकतंत्र बनियै उभरेआ ऐ जेदे च लोकें दी भागीदारी बदा करदी ऐ। लोकसभा स्पीकर होरें आखेआ जे भारत दा लोकतंत्र सिर्फ शासन दा इक सरिस्ता नेई ऐ, सगुआं इक गल्लबात, आम सहमति, भागीदारी ते लोकें दी शमूलियत दी इक मजबूत परम्परा ऐ।

<><><><><><>

SANJY-Govt. Official

औंदी श्री अमरनाथ जी दी जात्तरा कोला पैहले जम्मू-कश्मीर सरकारै जात्तरा दरान कुशल प्रबंधन ते बेहतर तालमेल बनाई रखने लेई बक्ख-बक्ख प्रशासनिक ते विभागीय सेवाएं थमां 63 अफसरें गी आरजी डेपुटेशन पर रखने दा हुकम जारी कीता ऐ। इस बारै आम प्रशासनिक विभाग आसेआ जारी इक हुकमै मुजब इनें अफसरें गी यात्रा रस्ते च पौने आहले बक्ख-बक्ख बेस ते ट्रांजिट कैपें च कैप डरैक्टर ते अतिरिक्त कैप डरैक्टर लाया जाह्ग। हुकमे च इब्बी आखेआ गेआ ऐ जे इंदे कंट्रोलिंग अफसर उनेंगी अपनी मजूदा ड्यूटी थमां फारग करी देन तां जे एह लोक बोर्ड आसेआ दस्सेगेदे कार्यक्रम मताबक श्री अमरनाथ जी श्राइन बोर्ड दे मुख् कार्जकारी अफसर दे दफ्तर च रपोर्ट करी सकन।

<><><><><><>

Drug Rules

सरकार नै नशा नियम 1945 च संशोधन दी अधिसूचना कीती ऐ ते आखेआ जे लौहके ग्राएं पिंडें च खंगू दे सिरप दी बिक्री लेई दित्ती गेदी छूट वापस लैती गई ऐ। हुन लौहके ग्राएं पिंडें च खंगू दे सिरप दी बिक्री सिर्फ विधिवत लाइसेंस आहली दोआई दी हट्टियें दे राएं गै होग। सेहत ते परोआर कल्याण मंालय नै राजपत्र दी अधिसूचना जारी करदे होई आखेआ जे दोआई दे नियमें दी अधिसूचि जारी करदे होई आखेआ जे दोआई दे नियमें दी अधिसूचना थमां सिरप अख्र शेडयूल के दे शीर्ष क्लास आफ ड्रग्स तैहत छोड़ी दित्ता।

<><><><><><>

Union Min. Highway Review

सड़क, ट्रांसपोर्ट ते जरनैली सड़कें सरबन्धी केंद्री मंत्री अजय टमटा हुंदा द'ऊं दिनें दा जम्मू-कश्मीर दौरा अज्ज सम्पन्न होई गेआ जिस दरान उनें प्रमुख राश्ट्री जरनैली सड़क परियोजनाएं दा निरीक्षण करने दे बाद जम्मू दे कन्वेंशन सेंटर च अज्ज इक उच्ची सतह दी बैठक दी बी अध्यक्षता कीती। दौरे दरान मंत्री होरें राश्ट्री जरनैली सड़क एन.एच-44 पर श्रीनगर थमां लेइयै जम्मू तगर दा निरीक्षण कीता। उनें काजीगुंड-बनिहाल ते चनैनी-नाशरी सुरंगें दा बी मुआयना कीता ते राश्ट्री जरनैली सड़क प्राधिकरण आसेआ जम्मू ते श्रीनगर रिंग रोड दे निर्माण कम्में दी प्रगति, रफ्तार ते उपलब्धिएं दा बी जायजा लैता। 2014 दे बाद आए दे बड़े स्तरै दे बदलावें दा जिक्र करदे होई मंत्री होरें आखेआ कि जम्मू-कश्मीर च इस असें दरान जरनैली सड़कें दी स्थिति जेहड़ा क्रांतिकारी बदलाव आया ऐ ओहू पैहले कदे दिक्खने गी नेई हा लब्बे दा।

<><><><><><>

Land Sinking Rajouri

राजौरी जिले दी मंजाकोट दे कोटली कालाबान ग्रांS च जमीन धस्सने करी कई ईमारतें, रिहायशी घरें गी नुकसान होआ ऐ। जमीन धस्सने करी तकरीबन ढाई किलोमीटर जगह पर पिछले 48 घंटें मगरा माझा असर पेआ ऐ। डी.सी राजौरी अभिषेक शर्मा होरें दुए अधिकारिएं कन्नै मौके पर पुज्जियै स्थिति दा जायजा लैता। लोक निर्माण कार्य विभाग नै मुख सड़क साफ करने आस्ते कम्म शुरू कराया जेड़ी जमीन धंस्सने करी बंद होई गई ही। अधिकारिएं जानकारी दिती ऐ जे इक परिवार गी एहतियातन सुरक्षित थाह पजाया गेआ ऐ ते स्थिति पर तक्क रक्खी जा'रदी ऐ।

<><><><><><>

Women Hockey

महिला हाकी च भारती महिला टीम नै एफ.आई.एच हाकी वीमेंस नेशंस कप दे सेमीफाइनल च प्रवेश करी लैता ऐ। न्यूजीलैंड दे आकलैंड शैहरा च जारी टूर्नामेंट च अपने दुए पूल मैच च उन्नै जपान गी 2-1 कन्नै हराइयै सेमीफाइनल च अपनी थाहर पक्की कीती। भारत लेई कप्तान सलीमा टेटे नै 33में मिंट ते लालरेम सियामी नै 49में मिंटें च गोल कीता। भारत दा सेमीफाइनल मकाबला अतरूं वीरवारें Uruguay कन्नै होगा।

<><><><><><>

FIFA WC

फीफा विश्व कप 2026 दे 5में ध्याड़े दे इक ऐतिहासिक रिकार्ड बनेआ जिसलै खेड्डे गेदे सब्बे 4 मैच बिजन जित्त हार दे फैसले दे ड्रा रेह। फीफा वर्ल्ड कप दे 68 बरें दे इतिहास च एह दुई बारी ऐ कि इक ध्याड़े च खेड्डे गेदे सब्बे 4 मैच ड्रा रेह। एहदे शा पैहले 15 जून 1958 च भलेआं इयै नेही स्थिति बनी ही। कल्लै आहले मैचें च स्पेन ते केप वर्डे बश्कार मकाबला 0-0 पर बने दा रेहा, जिसलै कि बेल्जियम ते मिस्र बश्कार मकाबला 1-1 कन्नै बराबरी पर रेहा। साउदी अरब ते उस्वे दे मकाबले च बी दौनें टीमें 1-1 गोल कीता ते ईरान ते न्यूजीलैंड दिएं टीमें शानदार प्रदर्शन करदे होई मैच गी 2-2 कन्नै ड्रा कीता। इनें सारें मकाबलें चा स्पेन ते केप वर्डे दा मकाबला रहान करने आहला रेहा जेहदे च केप वर्डे नै अपनी पैहले-पैहले विश्व कप मकाबले च स्पेन जनेई मजबूत टीम गी इक बी गोल नेई करन दित्ता।

<><><><><><>